



Timersornikkut tapiisarnermut malittarisassat

Qeqqata kommuniata pingaartitai:

Qeqqata kommuniani pingaartinneqarpoq meeraaqqaniit utoqqarnut timersornermik ingerlatitsisoqartarnissaa, Qeqqata kommunianilu timersuutit assigiinngitsut tapersersornissai.

Timersorneq tassaaginnanngilaq peqqinnissamut tikkuussisoq, timersorneq pinaveersaartitsinikkut annertuumik sunniuteqartarpoq, illoqarfinnilu pitsaasorpasuarunik siunertaqarluni, soorlu innuttaasut timersorlutik unammisunik isiginnaariartartut

Qeqqata Kommuniata pingaartippaa timersoqatigiiffiit meeqqanik, inuusuttuaqqanik, inersimasunik, utoqqarnik aammalu innarluutilinnut sullissisut siulersuisoqarnermik aqutsineq ingerlatissagaat.

Siulersuisut malittarisassat tunngavigalugit timersoqatigiiffiup siunertaanik aamma anguniagaannik suliaqartussaapput, sungiusaasut, ilaasortat tapersersuisullu suleqatigalugit suliuniuteqartassallutik.

Qeqqata Kommuniata timersoqatigiiffiit suleqatiginissaannut piareersimavoq, Qeqqata Kommuniata pingaartippaa qanimut suleqatigiinneq, qanimullu paaseqatigiilluni suleqatigiinneq.

Malittarisassani piunasaqaatit

Kingusinnerpaamik 1. April nallertinnagu tunniunneqartussat:

- Timersoqatigiiffik Qeqqata Kommuniani allattorsimasuussaaq.
- Timersoqatigiiffiit malittarisassatik Qeqqata Kommunianut tunniussimassavaat, allannguutillu nalunaarutigineqartassallutik.
- Ukiumut naatsorsuutit kukkunerisiorneqarsimasut 1/1 – 31/12-imik ulloqartut, ataatsimeersuarnermilu akuerineqarsimasut nassiuttassavaat
- Ataatsimeersuarnermik imaqarniliaq akuerisaasoq.
- Ukiup ingerlanerani siulersuisut allannguuteqarpata nalunaarutiginissaat
- Timersoqatigiiffiit immikkoortortallit immikkut immersuissapput, nalunaarusiornermi immersugassaq atorlugu
- Timersoqatigiiffiit nalunaarsorsimasut kisimik aningaasanik tapiissutinik tunineqarsinnaapput
- Timersoqatigiiffiit kattuffiannut nalunaarsornissaat piunasaqaataasarpog
- Timersoqatigiiffiit Kattuffiannut nalunaarsuut kommunimut ilanngullugu nassiunneqartassaaq

Nunatsinni pissartanngorniunnermut aammalu Børnecupimut peqataasussanut tapiissuteqartarneq

Qinnuteqartoqartillugu malittarisassat:

1. Timersoqatigiiffiit Qeqqata Kommuniani allattorsimasut tapiiffigineqarnissamik ukiumut ataasiarlutik qinnuteqarsinnaapput, ukiumulli marloriarluni GM-ertoqassappat qinnuteqaqqittoqarsinnaavoq. Qinnuteqaat tunngavilersorneqarsimassaaq, aningaasartuutissallu missingersorneqarneri tamakkiisut allanneqarsimassallutik. Peqataasussat angalaqataasussallu aqqi inuuiilu ilanngunneqassapput.
2. Qinnuteqaat kommunimut tunniunneqareersimassaaq kingusinnerpaamik aallarnissaq **qaamat ataaseq sioqqullugu**. Anngunniuttoqarsimatilluguli immikkut ittumik piffissaliussaq annikillisinneqarsinnaavoq.
3. Timersoqatigiiffinni angalatitsisut 18-it sinnerlugit ukioqassapput, børneattestimillu takutitaqariissapput.
4. Peqataasussat holditut akiliisussaattillugit (deltagergebyr), 18-it ataallugit ukiullit 100%-imik 18-illu sinnerlugit ukiullit 30%-imik tapiiffigineqarsinnaapput.
5. **Kalaallit Nunaanni** nuna tamakkerlugu unammersuaarnernut peqataasussat angalanermi billetsii, 18-it ataallugit ukiullit 100%-imik akiliunneqarsinnaapput, 18-illu sinnerlugit ukiullit 30%-imik taperneqarsinnaallutik. Punkt 4-mili taperneqareersimagaanni punkt 5 atorsinnaangilaq.
6. Angalanearlutik ikaartaatinik attartortunut, piunasaqaataavoq angallammik angallassisussap angallassisinnaanermut Søfartsstyrelsemiit akuerineqarsimanissaa (P-godkendt). Taamaattoqarpallu anngunniunnernut inummut ataatsimut 500,00 kr-mik tapiisoqarsinnaavoq, GM-inulli punkt 5-miittoq atorlugu tapiiffigineqarsinnaallutik.
7. Angalanermi nerisaqarnerit najugaqarnerillu Qeqqata Kommunianit tapiiffigineqarneq ajorput.
8. Taperneqartut aningaasat siunertamut atussavaat, aningaasaliissutillu siunertamut atorneqanngippata tapiissutit tamakkiisut utertinneqassapput.
9. GM-imut tapiissutigineqartut ukiumoortumik naatsorsuutini immikkoortillugit inissinneqartassapput.
10. GM-ip kinguninngua angusat Qeqqata Kommunianut nalunaarutigineqartassapput.
11. Illoqarfigisami GM-ertitsineri najugaqartitsisarnerit taperneqarneq ajorput.

12. Illoqarfigisami GM-imik aaqqissuussinermi bussinik aallertitsisarneq aallariartuussisarnerlu tamakkiisumik tapiiffigineqarsinnaapput. Illoqarfigisaq qimallugu unammiartornermi bussinik allariartuussineq tikinnermilu aatinneq timersoqatigiiffiup nammineq akisussaaffigissavaat.
13. Illoqarfigisami GM-imut aaqqissuussigaanni, timersortarfimmut akiligassap nikingassutaa tapiiffigineqarsinnaavoq.
14. Illoqarfigisami sisoraatinik unammiaartoqalernerani sisorarfigissaanerit tamakkiisumik taperneqarsinnaapput, majuartaatillu attartornerinut akiliutissat ilanngullugit qinnutigineqarsinnaapput.
15. Nuna tamakkerlugu unammiartortitsinermi klubbimit peqataatitsinermi holdi ataaseq taamaallaat tapiiffigineqarsinnaavoq. Timersoqatigiiffiimmili niviarsiaqqat/arnat nukappiaqqat/angutillu immikkoorput. Imaappoq, niviarsiaqqani/arnani holdi ataaseq nukappiaqqanilu/angutinilu holdi ataaseq tapiiffigineqarsinnaapput. Unammiartortussat holdimit ataatsimit amerlaneruppata, taakku timersoqatigiiffiup nammineq akilissavai.

Timersuutinili assigiinngitsuni aaqqissuussaaneq aammalu unamminerni periutsit apeqqutaatillugit immikkut ittumik holdip aappaanut nalilersuisoqareernerani tapiisoqarsinnaavoq
16. GM-imut tapiissutigineqartut ukiumoortumik naatsorsuutini immikkoortillugit takussutissatut inissinneqartassapput
17. GM-imut unammiartoqataasut ilaat innarluuteqarsimappat angalanerminilu tapersersorteqartariaqarluni, tapersersorti ilanngullugu akiliunneqarsinnaavoq. Innarluutilik tapersersortaaalu allatigut aningaasartuutinik ikiugassaappata GIF attavigineqarsinnaavoq, taakku ikiuuttarput. Tapersersorti saniatigut ullormusiaqassappat Atugarissaarnermut Immikkoortortaqaqfimmumut saaffiginnissaaq.
18. Peqatigiiffiit timersortarfiup atornerata aningaasartuutaanut Qeqqata Kommunია ukiumut sisamariarluni tapiisinnaavoq, erseqqissaatigaluguli peqatigiiffik ataasiaannarluni ukimut taperneqarsinnaammat.
19. Timersoqatigiiffiit Qeqqata Kommunianiit taperneqarnikut Qeqqata Kommuniata aaqqissuussaanut pisunut pisussanullu assigiinngitsunut akunnaquteqanngitsumik ikiuuttarnissaat pissusissamisuussaaq.

Timersoqatigiiffiit illuutillit taperneqartarnerat:

Ingerlatsinermut aningaasartuutit tassaasut: anartarfeqarneq, eqqaaveqarneq, innaallagialaq, kiassarnermut imeqarnermullu 75% tikillugu Qeqqata Kommuniania tapiissuteqarsinnaavoq.

Timersoqatigiiffiit immikkut aningaasartuutillit, soorlu: qamussuit, illiniliuutit, assartuutillu allat orussaasut tamakkiisumik tapiissutigineqarsinnaapput.

Naatsorsuutit ukiumoortut kukkunersiorneqarsimasut ataatsimeersuaarnermi akuerineqarsimasut malillugit tapiissuteqartoqartassaaq.

Madrassinik atorniarneq:

Timersoqatigiiffiit Sisimiuni Maniitsumilu unammiaartitsinerminni tikerartut Qeqqata Kommunianit madrasseqartinneqartarput. Allaffimmullu saaffiginninnikkut matuersaammik attarsisoqartarluni.

Malittarisassat:

- Madrassit Qeqqata Kommuniata pigai
- Madrassit akeqanngitsumik atortinneqartassapput. Atorniaaraanni sunngiffimmi allattoqarfik saaffigineqassaaq
- Timersoqatigiiffiit madrasinik atornerminni klubbi Kommunillu iluminni isumaqatigiissutigisinnaavaat qanoq assartorneqassanersut.
- Madrassit ajoqusersimappata ajoqusiisunit nalunaarutigineqassapput, allattoqarfiup innarliisimasunut akiligassanngortitsinissamik suliaq ingerlassinnaaniassammagu
- Annertuumik aserorsimappat / madrassip tungia aserorneqarsimappat, nutaap nalinganik akiliisitsisoqassaaq
- Eqqartinneqartariaqalersimappat, eqqiaatitsinerup nalinga timersoqatigiiffimmut akiligassiissutigineqassaaq
- Unammersuaarneq naammasseriarpas madraasiivimmut matuersaat allattoqarfimmut tunniunnissaa eqqaamaneqassaaq

Qeqqata Kommuniania timersoqatigiiffinni 15-it ataallugit ukiulinnut sungiusaasut:

Qeqqata Kommuniata pingaartippaa pisussaaffigalugulu timersoqatigiiffinni 15-it ataallugit ukiulinnik sungiusaasut ikiortaalu, taamatullu angalatitsisussat tamarmik pinerliisimanginnermut uppersaammik immersuisinneqassasut, uppersaallu Ilinniartitaanermut Immikkoortortaqarfimmut tunniunneqassaaq.

Takuuk: Inatsisartut inatsisaat nr. 8 19. Maj 2010-meersoq

Qeqqata Kommuniania ilaasortaqaasuseq aallaavigalugu tapiisarneq:

Aningaasartuutissanut missingersuummi meeqqanut 18-it inorlugit akeqanngitsumik ilaasortanngortitsisarnernut Qeqqata Kommuniania tamakkerlugu timersoqatigiiffinnut agguataarneqarnikuupput, taakkualu ilaasortaqaasuseq aallaavigalugu tapiissutit aaliangerneqarnikuullutik. Tassani timersoqatigiiffiit ilaasortanut allattorsimaffiit; atit, naggatit ukiorlu ingunngorfik Kommunimut ukiut tamaasa ukiumut naatsorsuutininut ilanngullugit Timersornermut Pinngortitamullu Siunnersortimut iml. Sunngiffimmi Pisortamut

nassiunneqartassapput. Taamaasiortoqareernermi Timersornermut Pinngortitamullu Siunnersortip iml. Sunngiffimmi Pisortap timersoqatigiiffinnut akiliineq suliarissavaa.

Trinvis skema

Ilaasortat amerlassusaat	Ukiumut tunniuttagaq	Trin
0-24	2.000,00	G
25-49	5.000,00	F
50-74	6.000,00	E
75-99	7.000,00	D
100-149	8.000,00	C
150-199	9.000,00	B
200 <	10.000,00	A

Qeqqata Kommuniani kultureqarnermut tunngasunut tapiisarnermut politikkimi periuseq:

§ 1 Qinnuteqaatit

- 1.1 Qinnuteqaatigineqartut atorneqannginnerini kingusinnerpaamik **qaammat ataaseq** sioqqullugu kommunimit tiguneqareersimassapput. Immikkorluinnaq pisoqartillguu piffissaliussaq sanioqqunneqarsinnaavoq.
- 1.2 Peqatigiiffinnut taamaallaat tapiisoqartarpoq. Peqatigiiffik peqatgiiffittut Qeqqata Kommuniani nalunaarsorsimassaaq. Peqatigiiffik ataatsimeersuarnermi eqqartugaasimasunik malittarisassanik tunniussisimassaaq, aammalu ataatsimeersuarsimanermi eqqartugaasimasunik malittarisassanik tunniussisimassaaq, aammalu ataatsimeersuarsimanermit kingullermit imaqarniliamik, ilaasortat allattorsimaffiannik kiisalu siulersuisut inissititsersimanerannik takussutissamik Kommuni tigusaqarsimassaaq. Sammisamut qinnuteqaatigineqartumut missingersuummik kiisalu peqatigiiffiup konto normuanik pigisaqartoqassaaq.
- 1.3 Peqatigiiffiit kingusinnerpaamik maajip aallaqqaataani Kommunimut tullinnguuttunik nassiussimatillutik ukiut tamaasa tapiissutinik tigusaqarsimassapput: Ataatsimeersuarnermi eqqartorneqarsimasut ukiumut naatsorsuutit kukkunersiukkat, ataatsimeersuarnermit imaqarniliaq, ilaasortat allattorsimaffiat nutartigaq siulersuisullu inissitigaanerisa allattorsimaffiat.
- 1.4 Nuna tamakkerlugu peqatigiiffiusunut, imaluunniit peqatigiiffinnut Qeqqata Kommuniani nalunaarsorsimangitsunut, illoqarfiup avataani illoqarfimmit peqataaffigineqanngitsunut aaqqissuussanut, Piareersarfimmut, GU-mut nunalu tamakkerlugu ilinniarfinnut allanut kiisalu nunatta avataani peqatigiiffinnut – assersuutigalugu Danmarkimi peqatigiiffinnut tapiissuteqartoqarneq ajorpoq.

§ 2 Tapiissutit suussusaat

- 2.1 Ingerlatsinermut tapiissuteqarfissap tunniunneqarfissaani ukiup siuliani decemberip 31-ani ilaasortat amerlassussaat naapertorlugu kisinneqarsimasuni, ilaasortamut peqatigiiffimmut akiliisartumut ataatsimut ingerlatsinikkut tapiissuteqartoqarsinnaavoq.
- 2.2 Peqatigiiffiup naatsorsuutaanik kukkunerisukkanik ataatsimeersuarnermilu akuerisanik ilinniartitaanermut, kulturimut sunngiffimnullu immikkoortortap tigusereernarata kingorna ilaasortanut tapiissutinik tunniussisoqarsinnaavoq. Ilaasortat ilaasortaanerminnut akiliutigisartagaat sinnerlugu ilaasortaanermut tapiissutit tunniunneqarsinnaanngillat.
- 2.3 Aqutsisunut/ilitsersuisunut ilinniartitsinermut tapiissutinik tunniussisarneq qinnuteqaatit tunngavilersukkat malillugit tunniunneqartarput. Qinnuteqaatit tamarmik immikkut nalilersorneqartarput.
- 2.4 Immikkut ittumik siunertanut, assersuutigalugu angalanernut, qinnuteqaatit malillugit tunniunneqarsinnaapput. Minnerpaamik qaammammik ataatsimik sioqqutsilluni qinnuteqaat nassiunneqassaaq angalanerullu siunertarpiaa pillugu paasissutissanik kiisalu missingersuutitut allaatigisanik imaqartinneqassalluni. Naatsorsuutit kukkunerisukkat siusinnerusukkat nassiunneqarsimanissaat aammalu 2.3 "Qinnuteqaatit tamarmik immikkut nalilersorneqassapput", naapertorlugu akuerisaasimassallutik.